



Modiul 1 – Wakabuk fo Lena

Grin Ikonomi Olketa Jenerol Prinsipol

PIJIN LANGUAGE - SOLOMON ISLANDS

Selen fo fanding kam from

KOICA
Korea International
Cooperation Agency

An patna wetem



CONTENTS

Mining blong olketa tem	5	4. MUV GO FO WANFALA GRIN-BLU IKONOMI.....	25
Sot Fom fo samfala Nem an Tem	6	4.1 Muv go fo wanfala Grin-Blu ikonomi.....	26
1. INTRODAKSON.....	7	4.2 Samfala Saksas Stori abaot Grin-Blu long Pasifik...	26
Aktiviti 1.....	8	4.3 Jenda Ikwality.....	28
2. OLKETA JALENJ BLONG ENVAEROMENT AN SASTENABOL DEVELOPMENT	9	4.4 Katem daon Hangere	28
2.1 Braon Ikonomi.....	10	4.5 Helt.....	29
2.2 Klaemet cheinj	10	4.6 Grin Ikonomi Gaedlaen.....	29
2.3 Globol an Nasonol Strateji	11	Aktiviti 4.....	30
2.4 Sastenability an Sastenabol Development Gol (SDGs)	12	5. NATSORAL RISOS AN KOMIUNITI RISOS MANEJMENT	33
Aktiviti 2.....	14	5.1 Kipim gud olketa Natsoral risos	34
3. OLKETA BESIK TINGTING INSAED GRIN IKONOMI	17	5.2 Wata.....	34
3.1 Grin Ikonomi (GE).....	18	5.3 Bus	34
3.2 Blu Ikonomi.....	18	5.4 Soel o graon	35
3.3 Prinsipol blong Grin Ikonomi	19	5.5 Animol.....	35
3.4 OIketa Wei fo kasem Grin Ikonomi	20	5.6 Risos maneiment insaed long Komuniti	36
3.5 OIketa Gud Saed blong Grin Ikonomi	21	Aktiviti 5.....	37
Aktiviti 3.....	23	6. KONKLUSON.....	38
		DRAMA 1.....	39
		DRAMA 2.....	41

LIST OF FIGURES

FIGA 1: Braon Ikonomi.....	10	FIGA 18: PNG Biomas Projekt.....	26
FIGA 2: Wata hemi kafsae ova long Gold Ridge wol blong teiling dam.....	10	FIGA 19: Plantim manguru.....	26
FIGA 3: Ifekt blong Klaemet Cheinj- Flad	11	FIGA 20: Olketa tuaris plantem korol long Outrigger risot.	27
FIGA 4: Kostol Irousen.....	11	FIGA 21: FFA Logo.....	27
FIGA 5: 17 Olketa Sastenabol Dvelopment Gol.....	12	FIGA 22: Saening blong Projekt Agriment.....	27
FIGA 6: Olketa Sastenabiliti Pila.....	12	FIGA 23: Jenda Ikwality	28
FIGA 7: Olketa Sastenabol Gol divaed long Trifala pila.....	13	FIGA 24: Olketa mere pleim impoten rol long laef blong iumi evride.....	28
FIGA 8: Grin Ikonomi.....	18	FIGA 25: Katem daon Hangere.....	28
FIGA 9: Poluson long sanbis	18	FIGA 26: Helt hemi impoten.....	29
FIGA 10: Blu Ikonomi.....	19	FIGA 27: Grin Ambasada	29
FIGA 11: Olketa Wei fo Kasem Grin Ikonomi	20	FIGA 28: Waka wea Fitim man duim an Ikonmik Grout....	29
FIGA 12: UNCDF- Benefit long SPBD Sola Eneji Lon	20	FIGA 29: Natsorol Risos.....	34
FIGA 13: Baeg wea olketa mekem from weist Plastik.....	21	FIGA 30: Iusim wata	34
FIGA 14: Linia vs Sekiula Ikonomi.....	21	FIGA 31: Kastom lan ona hemi safa long impakt blong logging long envaeroment an sosol laef.....	34
FIGA 15: Weist produkt blong wanfala banana havest.....	22	FIGA 32 AN FIGA 33 : Waelaef Spis an protekson blong hem.....	35
FIGA 16: Sunny Island Inverters wea SMA hem dilivarem hemi kontrolem wanfala sistem wea no dipen long eni narawan.....	26	FIGA 34: Wanfala komiuniti miting fo diskasem risos maneiment, Malu'u, Solomon Aelan.....	36
FIGA 17: Ofisol Komison blong Sola sistem	26	FIGA 35: Wei fo Grin Ikonomi.....	39

LIST OF TABLES

TEBOL 2: Leson Plan.....	4
--------------------------	---

Disfala trening buka **“Grin Ikonomi Olketa Jenerol Prinsipol”** hem wanfala introdakson long olketa mein tingting bihaen long Grin Grout an Grin Ikonomi.

Taem iu komplitim stadi ia, bae iu save na lo oketa samting osem:

- Andastanem olketa trifala pila blong Sastenabol development.
- Andastanem hao grin, blu an braun ikonomi hemi difren, an wat nao olketa gudfala saed blong grin/blu ikonomi.
- Andastanem olketa prinsipol o bigfala tingting blong grin ikonomi.
- Faendemaot olketa najorol risos insaed komiuniti an diskasim hao fo manejim risos long wanfala sastenabol wei.
- Faendemaot olketa tul wea save helpem komiuniti fo muv go fo grin/blu ikonomi.
- Diskasim straksa long komiuniti distaem an hao fo iusim fo sens go long grin/blu ikonomi.
- Faendemaot olketa oganaezeison wea olketa save sapotim o fandim nao muv fo go long grin ikonomi.

TEBOL 2: Leson Plan

Japta	Taep Leson
Fesfala Seson	
1. Aktiviti fo Stat - Introdakson	Topik fo lanem an aktiviti 1
2. Olketa chalenj long Envaeroment an Sastenabol Development	Topik fo lanem
	Aktiviti 2
3. Besik tingting insaed long Grin Bisnis	Topik fo lanem
	Aktiviti 3
4. Muv go fo Grin/Blu Ikonomi	Topik fo lanem opsonol
	Aktiviti 4
5. Natsoral an Komiuniti Risos Manejment	Topik fo lanem
	Aktiviti 5
6. Konkluson	Topik fo lanem
	Drama

Disfala Wakabuk fo olketa Lena (LW) hemi kam from wanfala Gaed fo olketa Trena (TG) wea kam wetem diswan. Olketa topik an samting fo lanem, olketa mekem hem simpol and sot, wea iumi lukluk long olketa daegram, piksa an olketa aktiviti wea folom ia, fo mekem olketa lena save intarest an folom

trena long trening. If iu laekem moa infomeison long eni sekson, plis luk go long TG wea kam wetem LW ia.

Foto long kava: Manguru long solwata long Ovalau Aelan, Fiji. Man, tekem foto: Kristin Deason, GGGI.

Stetment fo diklearem no eni responsibiliti: Global Green Growth Institute hem no promesem, long toktok o mining, o hem no garem eni ligol laeabiliti o responsibiliti long hao stret, kompliti o hao eni nara mek tri pati hem iusim, o risalt blong olketa iusim, eni infomeison, tul, prodakt, o proses wea hemi stap insaed long infomison long disfala dokument o hem representim dat eni ius bae hem no brekem lo blong olketa praevet ona raet.

MINING BLONG OLKETA TEM

Blu Ikonomi - Hemi sastenabol ius blong olketa osen o si risos; fo ikonomi fo grou, fo olketa laevlihud o laef blong iumi hem impruv, an fo mekem waka o emploement taem iumi kipim gud helt blong osen ikosistem.¹

Braon Ikonomi - Hemi wanfala ikonomi grout wea hemi dipen bikfala nao long olketa aktiviti wea hemi save distroem envaeroment, espeseli nao olketa fosil fiul olsem: koul, oel an gas.²

Klaemet cheinj - Cheinj long klaemet hemi hapen bikos long daerekt o no daerekt aktiviti blong man wea hemi afektem nao mekap blong globol atmosfera. Bikos long diswan, klaemet jeinj hem maet kamaot from olketa aktiviti blong man wea hemi jeinjim wat nao mekap blong atmosfera, an olketa jeinj long klaemet tu hem save kamaot long olketa najoral kos.³

Emison - Hemi taem samting olsem gas o redieison hemi prodius o kamaot. Staka taem, hem minim taem olketa gas hemi rilis go long ea, olsem olketa grinhaos gas wea kamaot long olketa paoa plant o faktri, smok wea kamaot long olketa indastri, transpot an kaen olsem.⁴

Grin Ikonomi - Wanfala ikonomi wea hem lukluk long envaeroment risk an olketa samting long ikoloji wea hem no gare, an semtaem hemi makem fo sastenabol divalopment an hem stopem nao povati.⁵

Lou Kabon Grout - Hemi grout wea hem kamaot long wan smol rilis blong kabon daeoksaed go long atmosfera.⁶

Soel Irosen - Hemi taem olketa samting olsem wata, win, an bigfala muvment hemi tekemaot o transpotem top leia blong graon (top soel) slouli go awe.⁷

Sastenabiliti - Hemi taem eniting save stap long wanfala reit o levul, o wei fo stopem najoral risos fo no finis, olsem hem kipim wanfala balens long ikoloji.⁸

1 The World Bank, "What is the Blue Economy?", <https://www.worldbank.org/en/news/infographic/2017/06/06/blue-economy>

2 The Green Market Oracle, "Environmental Implications of three types of Economies: Brown, Blue and Green, <https://thegreenmarketoracle.com/2013/10/04/environmental-implications-of-three/>

3 IPCC Intergovernmental Panel on Climate Change, "Definition of terms used within the DCC pages", https://www.ipcc-data.org/guidelines/pages/glossary/glossary_c.html

4 Mining blong Emison, <https://www.google.com/search?q=emission+define&rlz=1C1GCEA>

5 UN Environment programme, "Green economy", <https://www.unep.org/pt-br/node/23750>

6 <https://www.google.com/search?q=low+carbon+meaning&rlz=1C1GCEA>

7 Youmatter, "Soil erosion and Degradation: Simple definition, causes and consequences", <https://youmatter.world/en/definition/soil-erosion-degradation-definition/>

8 Faendem long Google, "sustainability definition", <https://www.google.com/search?q=sustainability+definition&rlz=1C1GCEA>

SOT FOM FO SAMFALA NEM AN TEM

GB	Grin Bisnis
GE	Grin Ikonomi
GGGI	Global Green Growth Institute
KOICA	Korea International Corporation Agency
LW	Wakabuk fo Lena
Mts	Minit
MW	MegaWat
NGO	Non-Gavamental Oganisesen
PIDF	Pacific Islands Development Forum
PNG	Papua Niu Gini
RE	Riniuabol (natsoral o save iusum baek) Sos fo Eneji
RO	Rives Osmosis
SDG	Sastenabol Dvelopmen Gol
TG	Gaedbuk fo Trena
TOT	Trening for Trena
USA	United States of America



1

Introdakson

AKTIVITI 1

Introdusim iu seleva long evriwan taem trena hem askem iu. Bae iu nid fo talem nem blong iu, talemaot wanem nao iu save abaotem disfala topik an wat nao iu ekspektem long disfala trening.

2

**Olketa Jalenj blong
Envaeroment an Sastenabol
Divelopment** —————

2.1 Braon Ikonomi

Braon ikonomi hem wanfala ikonomik grout wea hemi dipen bik tumas nao long olketa aktiviti wea save distroem envaeroment, espeseli nao ius blong fosil fiul olsem kol, oel an gas.²

FIGA 1: Braon Ikonomi⁹



Dis wan hem klia long olketa proses blong prodakson an development blong wanfala braon ikonomi bikos olketa no sastenabol an hem save kosem:

- Distrakson blong baeodaeveseti (animol an plant) tru long iligol logging an prodakson blong moden agrikalsa
- Iusim non-riniuabul enejji fo manufakjarem olketa produkt, hem save givimaot big amaont long grinhaos gas imisen
- Mekem hamful solid west wea kamaot long olketa aktiviti blong maening an indastri
- Ova iusim fisari, an kaen olsem.

Diswan hemi samfala long staka aktiviti wea save ad ap go long olketa bigfala level blong Klaemet cheinj.

FIGA 2: Wata hemi kafsaeed ova long Gold Ridge wol blong teiling dam¹⁰



Olketa opareison blong olketa maen an hao olketa torowei olketa weist hem wanfala bigfala sos blong spoelem o digreidim nao envaeroment long olketa developping kandere. Maening hemi kosem tings olsem katem daon tri an bus, torowe weist long rong wei, lanslaed, etkwek, flad blong wata wea kamaot from maen, an olketa kaen samting olsem.

2.2 Klaemet cheinj

Klaemet cheinj hemi cheinj blong klaemet wea hemi kamaot daerekt o no daerekt from olketa aktiviti blong man. Hemi save kamaot long aktiviti blong man o tru long neitsa, wea hem cheinjim straksta o samting insaed long atmosfia, an hao klaemet save cheinj.³

Indastriaalseison taem hemi happen kwiktaem an taem iumi iusim fosil fiul, hem olketa aktiviti blong braon ikonomi ia, diswan hemi mekem iumi gohed fo iusim olketa natsoral risos (bus/wata/fosil fiul) wea hem afektem klaemet.

⁹ Kamaot long Brown to Green Economy, <https://www.lemauricien.com/le-mauricien/brown-green-economy-call-conventionalists-1/89489/>

¹⁰ Sos: SI Government, Ministry of Environment, Climate Change, Disaster Management and Meteorology, "Major tailings dam spill at Solomon Islands 'disaster' gold mine", <http://www.mecdm.gov.sb/news/60-major-tailings-dam-spill-at-solomon-islands-disaster-gold-mine.html>

FIGA 3: Ifekt blong Klaemet Cheinj- Flad¹¹**FIGA 4: Kostol Irousen¹²**

Figa 4 hemi som olketa impakt blong kostol irousen. Taem solwata hemi raes, hemi distroem olketa propati wetem olketa wev akson. Kostol irouson hemi save kosem pipol fo lusim propati an bigfala seleni fo traem protektem olketa propati ia bat staka taem hem no saksessful.

Olketa gaedlaen ia hemi givim samfala wei wea save katem daon olketa ifekt blong klaemet cheinj:

- Trae fo no katem daon olketa tri karange (Diforesteison).
- Taem iu iusim bus fo agrikalsa, rimemba fo plantem tri long boda blong fild fo stopem soel irousen an lanslaed if iu stei long vali.
- Trae fo no mekem olketa wata risos hem doti (torowei weist an plastik, emtimaot kemikol long riva).
- Kipim gud an plantem manguru an korol.
- Tingting gud taem fising an praktisim akwakalja (solwata an freswata).
- Protektem olketa bus blong iumi.
- Faendemaot olketa ples wea flad save tek ples long hem an no alaom pipol fo stei long ol eria olsem.

2.3 Globol an Nasonol Strateji

Paris Agriment hemi setemaot wanfala globol plan fo katem daon olketa imisen blong gas wea kosim globol woming, an hemi traem fo limitim kam long 1.5°C. Hemi traem fo strongim olketa kandere for save dil wetem olketa impakt blong klaemet cheinj an fo sapotem olketa taem olketa traem fo duim diswan.¹³

Gavman blong Solomon Aelan distaem hemi draftem Riniubol Eneji Invesment Plan, an hemi stat nao fo go hed wetem samfala akson, diswan hem som dat hemi iusim staka riniubol eneji teknoloji, impruvum eneji sikiuriti an hem katem daon olketa grinhaos gas imisen. Samfala long olketa teknoloji ia hemi sola fotovoltaiik faming an haedropawa 59 jenereison. Gavman blong Solomon Aelan hemi plan fo rolemaot staka moa long olketa kaen riniubol eneji teknoloji olsem long fuja.¹⁴

Disfala kandere hem kamap wetem National Determined Contributions (NDC) stat long 2016-2035 wea hemi garem olketa midol an long-tem stratiji, fo implimentem olketa SDG fo Solomon Aelan.

11 Sos: United Nations Office for the Coordination of Humanitarian Affairs, <https://www.unocha.org/story/solomon-islands-worst-flooding-history>

12 Sos: SOPAC tekemaot an senisim lelebet infomesen long Solomon Islands Government (Ministry of Environment, Climate Change, Disaster Management and Meteorology websaet, <http://www.mecdm.gov.sb/disasters/hazards/coastal-erosion.html>

13 Kamaot long The Paris Agreement on Climate Change, Behind Closed Doors, https://doi.org/10.1162/GLEP_a_00361

14 Gro Harlem Brundtland, Our Common Future: Report of the World Commission on Environment and Development (Oxford University, 1987), <http://www.un-documents.net/our-common-future.pdf>.

2.4 Sastenabiliti an Sastenabol Development Gol (SDGs)

Sastenabol development (SD) hem development wea hemi mitim nao olketa nid blong disfala jenereison an hemi no spoilem olketa fuja jenereison fo mitim olketa nid blong olketa iet tu.¹⁴


Olketa Sastenabol Development Gol (SDGs) hemi 17 fala gol wea hemi laekem wanfala gudfala wol an laef fo evriwan kam yia 2030. Wetem disfala tingting, staka kandere nao olketa faendem wei for karemaot SDGs ia.

Hem garem 17 SDGs wea stap lo Figa 5 ia:

FIGA 5: 17 Olketa Sastenabol Development Gol¹⁵



FIGA 6: Olketa Sastenabiliti Pila¹⁶



Figa 6 hemi som olketa trifala pila blong SD wea hemi impotent fo developem olketa grin polisi fo ikonomi. Diswan inkludim sosol (pipol), envaeroment (planet) an ikonomik (mani o profit) pila.¹⁷ Waka blong SDGs hem fo mentenim stabiliti long ikonomik, sosol an envaeroment saed fo promoutim nao wanfala sastenabol fuja.

¹⁵ Infomesen hem senis lelebet bat kamaot long: <https://impakter.com/how-the-sustainable-development-goals-provide-a-framework-for-impact-minded-businesses/>

¹⁶ Grafiks Margaret Seruvatu nao duim, GGGL.

¹⁷ Infomesen hem senis lelebet bat kamaot long "Aligning the Criteria of Green Economy (GE) and Sustainable Development Goals (SDGs) to Implement Sustainable Development, Ogus 2019, <https://www.mdpi.com/2071-1050/11/17/4615>

Olketa gol long Figa 7ia olketa grupim insaed long trifala pila blong Sastenabiliti, olsem hem som ia:

FIGA 7: Olketa Sastenabol Gol divaed long Trifala pila¹⁸



Raetem samfala not:

18 Infomesen hem jenis lelebet bat kamaot long "A Novel ICT Framework for Sustainable Development Goals", <https://doi.org/10.3390/su11071961>

AKTIVITI 2

Taget Grup: Lokol gavman ofisol, Provinsol Kaonsol, Distrik Kaonsol, Taon Kaonsol, Aelan Kaonsol, an kaen olsem.

1. Wat nao olketa sastenabol gol iu laekem fo tok abaotem long Grin Ikonomi?

2. Hao nao bae iu tok abaotem olketa isiu ia long saed blong olketa trifala pila blong sastenabiliti?

3. Wat nao klaemet cheinj an hao nao hem hamful?

4. Wat kaen wei fo sastenabiliti nao olketa komiuniti save folom fo katem daon ifekt blong klaemet cheinj?

Taget Grup: Tradisinol komiuniti/ches lida, olketa mere, yang pipol an olketa valnarabol grup (singol mami, olman an mere), an kaen olsem.

1. Wich wan long olketa ia nao hem no wanfala Sastenabol Dvelopment Gol?

- A. Klin wata an Saniteison
- B. Klin dres/kaleko
- C. Eneji wea hemi jip an Klin
- D. Waka wea Fit fo Man Duim an iekonomik Grout

2. Wat nao olketa trifala pila blong Sastenabiliti?

3. Wat nao klaemet cheinj an hao nao hem hamful?

Taget Grup: Lokol ilektrisian, pipol wea garem teknikol kwalifikeison, a kaen olsem. Andastanem olketa teknikol saed blong waka long olketa grin job o waka.

1. Talem kam samfala sastenabol development gol

2. Wat nao iu andastanemabaot klaemet cheinj an hao nao hem hamful?

3. Givim samfala eksampol blong risaekolem weist.

Taget Grup: Smol bisnis

1. Wat nao sastenabol development gol an hao nao hemi impotent fo developem bisnis blong iu?

2. Hao nao olketa trifala pila blong sastenabiliti helpem iu developem grin bisnis?

3. Hao nao iu joenem olketa sastenabiliti pila wetem olketa grin ikonomi prinsipol?

4. Hao nao bisnis blong iu hem dil wetem klaemet jeinj?


3

**Olketa Besik
Tingting insaed
Grin Ikonomi** —————

3.1 Grin Ikonomi (GE)

Grin ikonomi hemi sud dil wetem olketa isiu wea kamap long braon ikonomi. Diswan iumi ekspektem fo impruvum nao sastenabiliti blong planet.

FIGA 8: Grin Ikonomi¹⁹



Hemi trae fo iusim nao olketa lou **kabon** grout sistem/proses. Samfala eksampol wea hemi stret an komiuniti hem praktisim nao hem:

- Iusim sola an samfala moa kaen riniabol sos blong eneji
- Separeitem olketa weist an torowe gud olketa weist
- Iusim basikol an no iusim motobaek
- Plantem tri an kipim gud olketa bus, trae fo no katem daon staka tri, an kaen olsem.

Evriting ia bae mekem olketa najoral risos bae stap longtaem moa an bae hemi mekem komiuniti fo moa risilient an sastenem tu planet.

3.2 Blu Ikonomi

Ousen o si hemi gogo hed for sapotem laef blong iumi taem hem mekem oksijin, absobem kabon daeoksaed, risaekolem olketa niutrient, an kipim globol klaemet an tempetsa stebol. Ousen hemi sapotem populeison blong iumi wetem kaekae, laef an hemi wanfala wei fo transpot tu.²⁰

Olketa ius an praktis wea hemi no sastenabol nao olsem:

- Kafsaketem weist wea kam from fising bout an vesol
- Kafsaketem olketa doti blong kago an eksos blong enjin
- Dvelopment blong tuarisim wea hemi lid go long ova iusim graon an kosem poluson.

FIGA 9: Poluson long sanbis²¹



19 OpAyub Ali, 'Green industry towards green economy in the rmg', 28 Oktoba 2015, <https://www.slideshare.net/ayubjueco/green-industry-towards-green-economy-in-the-r-mg-54471169>

20 Infomesen hem jeinj lelebet bat kamaot long Our Oceans and The Blue Economy: Opportunities and Challenges, <https://doi.org/10.1016/j.proeng.2017.08.109>


21 Infomesen hem senis lelebet bat kamaot long USAID webppeij, Solomon Islands, <https://www.usaid.gov/humanitarian-assistance/solomonislands>

Olketa jem long wata hemi kamap bik tumas long olketa las fu yia ia. Olketa kaen aktiviti olsem nao save kosem sanbis fo olsem ples fo kolektem nao olketa difren kaen weist (plastik, kaekae, sigaret, botol, an staka moa).

Fo no duim diswan an meksua olketa ousen risos hem sastenabol, wanfala 'blu ikonomi' wei nao hem lukluk long saed blong ikonomi blong solwata, an hem haelaetem samting wea hem sastenabol:

- lusim marin risos
- Riniuabol enejji, eksampol, wev enejji, hot insaed long graon an kaen olsem.
- Minarol/maening anda long si an kaen olsem.

FIGA 10: Blu Ikonomi²²



Blu ikonomi hem meksua dat konseveison an sastenabol ius blong olketa ousen an solwata an risos blong olketa hemi fo sastenabol development.

3.3 Prinsipol blong Grin Ikonomi

Olketa Prinsipol blong Grin Ikonomi. Olketa grin ikonomi prinsipol nao olsem:



Hapines long Laef: Wanfala grin ikonomi bae save kriitem tru hapines long laef wea staka man searem an bae stap evritaem wea diswan hem ovam welt long seleni an putim human development, helt, hapines, edukeison an komiuniti olsem nambawan praeoriti.



Jastis: Wanfala grin ikonomi hem beis long ikwiti (mas fea), ikwaliti, komiuniti fo kam tugged, sosol Jastis an sapotem olketa human raet. Diswan hemi speseli raet blong olketa majinolaes smol grup blong pipol o pipol wea nara pipol save luk daon long olketa. Diswan hem laekem wanfala transison wea hem inkludim tu olketa wea no bon iet.



Baondari blong Planet: Diswan hemi luk save dat evri human laef hem dipen long wanfala helti natsorol wol. Hem difendem nao hao neija hemi waka an olketa limit blong hem an hem protektem laef o baeodaesviti (bus, plant, animol) tu, graon o soel, wata, ea an nara ikosistem tu.



Ifisiensi an Safisiensi: Wanfala grin ikonomi hem iusim difren kaen wei fo hem loum kabon an hem sekiula. Diswan hemi luk save nao dat bigfala chalenj wea hemi stap hemi nid fo kriitem prosperiti insaed long olketa baondari blong planet an fo laenimap olketa ikonomik insentif o motiveison wea hemi beis long olketa trufala kost long sosaeti.



Gud Gavanens: Wanfala grin ikonomi hem biuldim olketa instituson wea hemi kombaenim demokratik akaontabiliti, wanfala stret soluson, stadi blong saens wetem lokol nolej o save. Sivil laef hem enkarejem tumas nao patiseison, sosol daelog o diskason, transparensi an akaontabiliti.²³

²² What is the Blue Economy? <http://www.blueeconomyconference.go.ke/what-is-the-blue-economy/>

²³ Infomeson hem jeinj lelebet bat kamaot long: <http://gggi.org/site/assets/uploads/2019/06/5-principles-of-GE-One-Pager-250619.pdf>

3.4 Olketa Wei fo kasem Grin Ikonomi

FIGA 11: Olketa Wei fo Kasem Grin Ikonomi²⁴



Figa 11 antap hem som samfala gud wei fo iusim grin ikonomi wea hemi kamaot from investment long risets, teknoloji, development, an inoveison go fo grin ikonomi.

Diswan hemi minim ius blong olketa riniuabol sos blong enej (sola, haedro, win, taed, hot insaed graon an biomas enej), tritment fo weist wata, risaekol an tekemaot solid weist, grin konstrakson an biulding, ikwipment wea hemi envaeroment frenli, an olketa indastrial aktiviti.

lumi dipen bik tumas nao long fosil ful olsem petrol an disol fo transpot an ilektrisiti. Fosil ful hemi kontribut long ea poluson an klaemet cheinj,²⁵ so diswan mekem disfala transison go fo riniuabol sos blong enej bae hem ridiusim olketa grinhaos gas emison an krietem moa klin transpot an sistem fo jenereitem enej.

FIGA 12: UNCDF- Benefit long SPBD Sola Enej Lon²⁶



²⁴ CEDEFOP, Green Economy, 'A great opportunity', <http://www.cedefop.europa.eu/en/news-and-press/news/green-economy-great-opportunity>

²⁵ Ministry of Economy, Republic of Fiji, Fiji NDC Implementation Roadmap 2017-2030 (2017), https://www.reinfofiji.com.fj/wp-content/uploads/2017/11/FIJI-NDC-IMPLEMENTATION-ROADMAP_LOWRES.pdf.

²⁶ Erica Lee, Pacific Financial Inclusion Programme (PFIP) administered by UNCDF, 2018, <https://www.uncdf.org/article/6277/lighting-a-brighter-future-for-families-in-the-solo-mon-islands>

Nara samting moa, olketa grin strateji help fo biuldim risiliens agensem olketa ifekt blong klaemet cheinj. Taem iumi instolem olketa sola panol, hemi mitim olketa nid fo eneji long taem blong draut taem ilektrisiti hemi had fo kasem tru long olketa haedropawa sos. Risaekolem solid weist hemi katem daon ius blong najorol risos, katem daon olketa human aktiviti wea hemi save spoilem o tekemaot olketa risos an katem daon hao fo torowe weist, an grinhaos emison.

Katem daon weist an produsim olketa samting hemi save hapen taem iumi praktisim olketa 3R, diswan hem ridius, riius an risaekol. Diswan bae helpem olketa wanwan pipol fo divelopem olketa grin haos bisnis, wea inkam hemi kam from olketa risaekol prodakt ia.

FIGA 13: Baeg wea olketa mekem from weist Plastik²⁷




3.5 Olketa Gud Saed blong Grin Ikonomi

Hemi posibol fo tekem baek welt o seleni aot from weist, an diswan iumi save kasem taem iumi andastanem wat nao

difren bitwin linia an sekiula ikonomi, olsem bae iumi save aprisieitem olketa benefit blong grin ikonomi. Figa 14 hem som hao linia (folem laen) an sekiula (folem sekol) ikonomi tufala difren.

FIGA 14: Linia vs Sekiula Ikonomi²⁸



Long linia ikonomi, iu baem samting, iusim an den iu mekem weist an torowe go. Long sekiula ikonomi iu risaekolem (iusim baek) weist an tekem seleni o welt long hem.

Fo eksampol, taem iumi kuki iumi mekem nao weist wata, weist vejtabol, olketa boun blong animol an torowe diswan - diswan hem **Linia Ikonomi**. wea iu "tekem – mekem – torowe".

Sekiula Ikonomi wei bae hem riiusim weist wea kamaot long kuki, an diswan save minim, riiusim Staerofom kontena, kompostim olketa plant, an jenereitem biogas, an kaen olsem.

Taem iumi folom wanfala sekiula ikonomi wei, iumi praktisim olketa 3Rs (Ridius, Riius an Risaekol), iumi benefit bikos

- Weist hemi kat daon
- Ridiusim presa long envaeroment taem olketa risos hemi ius long stret wei
- Impruvum helt long laef blong olketa komiuniti memba
- Krieitem olketa grin waka.

²⁷ Sos: seechangemagazine.com "Transforming Plastic waste into Works of art in the Solomon Islands", <https://www.seechangemagazine.com/transforming-plastic-waste-into-works-of-art-in-the-solomon-islands/>

²⁸ Grafiks Margaret Seruvatu nao duim, GGGI.

FIGA 15: Weist produkt blong wanfala banana havest²⁹

Figa 15 antap hem som weist produkt wea hemi kamaot from wanfala banana havest, diswan bae olketa riiusim moa fo mekem vigan walet o paosi an nara produkt moa.

Raetem samfala not:

²⁹ Green Banana paper, <https://greenbananapaper.com/>

AKTIVITI 3

Taget Grup: Lokol gavaman ofisol, Provinsol Kaonsol, Distrik Kaonsol, Taon Kaonsol, Aelan Kaonsol, an kaen olsem.

1. Wat nao samfala wei bae iu duim fo mekem olketa komiuniti muv awei long braon ikonomi?

2. Wat nao samfala wei bae iu iusim fo developem wanfala blu ikonomi?

3. Wat nao samfala isiu bae iu lukluk long hem taem iu tok abaotem grin ikonomi?

Taget Grup: Tradisinol komiuniti/ches lida, mere, yang pipol an olketa valnarabol grup (singol mami, olman an mere), an kaen olsem.

1. Raetem daon samfala Grin Ikonomi Aktiviti insaed long komiuniti blong iu.

2. Hao nao linia an sekiula ikonomi tufala difren?

3. What nao samfala aktiviti long komiuniti blong iu wea hemi no sastenabol/hamful?

4. Hao nao diswan afektem olketa marin laef?

5. Raetem daon trifala Lou Kabon Grout an Risos Ifisien Mesa

Taget: Lokol ilektrisian, pipol wea garem teknikor kwalifikeison an kaen olsem.

1. Wat nao samfala grin praktis bae iu folom insaed long waka blong iu long evri dei?

2. Hao nao iu tek kea long blu ikonomi insaed long waka blong iu?

Taget Grup: Smol bisnis:

1. Wat nao samfala bisnis mesa iu save statem fo mekem bisnis hemi go grin?

2. Wat nao samfala risos ifisiensi mesa bae iu folom insaed long wanfala grin bisnis?

4

Muv go fo wanfala
Grin-Blu Ikonomi

4.1 Muv go fo wanfala Grin-Blu ikonomi

Fo cheinj go long wanfala Grin-Blu Ikonomi, hem nidim wanfala cheinj long wei iumi tingting an hao iumi duim bisnis.³⁰ Sapos iumi save aedentifaem olketa chalenj blong iumi long saed blong ikonomi, sosol an envaeroment, an hao hem save afektem iumi, bae iumi tingting strong fo karemaot olketa strateji fo solvem olketa isiu ia.

4.2 Samfala Saksess Stori abaot Grin-Blu long Pasifik

1. Tokelau, festfala kandere long Wol wea hemi dipen 100% long sola eneji.

FIGA 16: Sunny Island Inverters wea SMA hem dilivarem hemi kontrolem wanfala sistem wea no dipen long eni narawan³¹



FIGA 17: Ofisol Komison blong Sola sistem




Ofisol Komison blong system hemi happen long 30 Oktoba, long wanfala lokal seremoni. Disfala projekt olketa statem kam long 2010 an insaed long tufala yia olketa komplitim. Aelan neson blong Tokelau hemi muv go fo iusum riniuabol

sos blong eneji olsem wanfala difren wei wea hemi bitim nao olketa fiul olketa stap impotem bikos diswan hem benefitim tumas envaeroment an hem no dipen bik tumas long olketa difren eneji sos kam from ovasi.³²

2. PNG Biomas: Wanfala top Riniuabol Projekt.

FIGA 18: PNG Biomas Projekt³³



Oil Search PNG Biomas projekt long Markham Valley hemi wanfala riniuabol eneji projekt long Morobe Provins, wea hemi iusim olketa smol pis wud wea kamaot long olketa tri wea olketa groum sastenabol fo mekem fiul fo wanfala biomas faktri fo provaedem kasem 30 Megawat (Mwe) go long Ramu Grid.³³

3. Konseveison blong Marin Laef tru long Plantem Manguru an Korol.

FIGA 19: Plantim manguru³⁴



³⁰ Infomesen hem jeinj lelebet bat kamaot long Pacific Islands Development Forum 2019-2030 Strategic Plan, <http://www.pidf.int/wp-content/uploads/2017/07/PIDF-Strategic-Plan.pdf>

³¹ SMA SOLAR TECHNOLOGY, <https://blog.ebv.com/from-zero-to-hero-tokelau-becomes-the-worlds-first-country-to-rely-100-on-solar-energy/>

³² You Tube vidio: "The Pacific Way"-Sisen 9 Episod 20, 24 Septemba 2014, <https://www.youtube.com/watch?v=P3iTeXeRFo8>

³³ Infomesen hem senis lelebet bat kamaot long PNG Biomass Homepage, <https://pngbiomass.com/project/>

³⁴ Foto kam long Anne-Marie Schwarz, Infomesen hem cheinjlelebet bat kamaot long Flickr <https://www.flickr.com/photos/theworldfishcenter/6325348440>

Manguru hem impoten tumas fo katem daon an mekem cheinj long olketa impakt blong klaemet cheinj. Figa 19 antap ia hemi som pipol plantem manguru long Westen Provins long Solomon Aelan. Manguru hem pleim bigfala waka fo provaedem impoten sevis long olketa ikosistem, olsem hem save stoarem bigfala amaont blong kabon, protektem saed si long impakt blong olketa strong win an tsunami, an sapotem laef an hapines long laef blong staka wea stei nao folem saed si.

Long Solomon Aelan, olketa kastom sistem nao manejem manguru, wea olketa ona o chif mekem disison long saed blong iusim an manejem olketa manguru bus ia. Folom wanfala World Fish ripot blong 2013, gavmen sapotem wanfala manguru rihabiliteison projekt long kandere wea komiuniti nao hem manejem.³⁵

FIGA 20: Olketa tuaris plantem korol long Outrigger risot³⁶



Outrigger risot long Coral Coast, Sigatoka, Fiji, hem bin karemaot olketa korol planting program wea hemi pat blong olketa inisitiv blong Global Ozone konseveison long risot. Hem lonsim long 2014 an bigfala tingting bihaenem nao fo kamapem helt blong korol an fo mekem hem risilien.

4. Sastenabol Fisari.

FIGA 21: FFA Logo³⁷



Pacific Island Forum Fisheries Agency (FFA) ia olketa establisim fo helpem olketa kandere for manejem olketa fisari risos wea hemi stap insaed long 200 mael Eksklusiv Ikonmik Zon (EEZ) long wanfala sastenabol wei. Diswan hem ifektiv for manejem stok blong fis long Pasifik.

5. Vanuatu Gavmen- Sola Wata Pam Projekt.

FIGA 22: Saening blong Projekt Agriment³⁸



Figa 22 hem som samfala ofisol blong Dipatment blong Wata Risos long Vanuatu an Dipatment blong Eneji, wea waka wetem GGGI taem olketa saenem wanfala 2-ya Projekt agriment wea Gavmen blong Luxembourg hem fandem. Bigfala tingting bihaenem diswan hemi fo kamapem klaemet risiliens tru long akses long wata wea sola-pawa nao draevem long olketa rurol eria long Vanuatu.

35 Infomesen hem jeinj lelebet bat kamaot long Pasifika Environews, <https://pasifika.news/2021/04/mangrove-planting-could-help-protect-solomon-islands-community-against-rising-sea-level/>


36 Outrigger Hotel and Resorts, <https://www.outrigger.com/stories/2019/june/coral-planting-2019>

37 Pacific Island Forum Fisheries Agency (FFA) <https://www.humanrightsatsea.org/2019/08/06/pacific-forum-fisheries-agency-enacts-new-crew-welfare-regulations/> o visiimt <https://www.ffa.int/>

38 Infomesen hem jeinj lelebet bat kamaot long, <https://gggi.org/gggi-signs-project-agreement-with-vanuatu-government-to-implement-solar-water-pumping-project/>

4.3 Jenda Ikwaliti

FIGA 23: Jenda Ikwaliti³⁹



Muv go fo grin-blu ikonomi hemi save kamap sakseful taem iu lukluk long jenda ikwaliti (Figa 23). Hem minim dat difren fasin, drim an nid blong olketa mere an man iumi lukluk long hem, iumi luksave valiu blong hem an iumi tritim semsem. Hem no minim dat mere an man mas bikam semsem, bat olketa raet, risponsibiliti an opotiuniti blong olketa bae hemi no dipen sapos wanfala hemi bon man o mere. Komitment fo no livim eniwan bihaen hem pat blong SDG wea hem kolek nao ikol patisipeisn insaed long disison long komiuniti.

FIGA 24: Olketa mere pleim impoten rol long laef blong iumi evride⁴⁰



Figa 24 hemi som 90-ya ol Kadesh Kohe blong Nagoibe vilij, long west Bugotu Distrikt long Isabel Provins, hu hem talem dat fo plantem manguru hem wanfala opson fo stopem distrakson folom saed si long hom blong olketa.

Wetem save wea olketa save tekem from disfala chapta, olketa mere save iusim olketa grin wei, manjem ius blong olketa natsoral risos, riiusim olketa matiriol an winim selen fo olketa seleva. Nara samting moa, nolej o save hemi save pas go daon long iangfala jenereison. Taem olketa mere save tek pat semsem bae olketa garem moa paoa an save kontribuit fo winim nao Sastenabol Dvelopmen Gol (SDGs).

4.4 Katem daon Hangere

FIGA 25: Katem daon Hangere⁴¹



39 SAILA organization, "Gender Equality: A Cornerstone for a Green Economy", Photo credits, (Agnes Bubugura), <https://saila.org.za/research/gender-equality-a-cornerstone-for-a-green-economy/>

40 Infomesen hem jeinj lelebet bat kamaot long Pasifika Environews, <https://pasifika.news/2021/04/mangrove-planting-could-help-protect-solomon-islands-community-against-rising-sea-level/>

41 Infomeison hem jeinj lelebet bat kamaot long United Nations: Zero Hunger Challenge, "Transforming our food systems to transform our world", <https://www.un.org/zero hunger/content/challenge-hunger-can-be-eliminated-our-lifetimes>

Raon long wol, sikiuriti blong kaekae hem wanfala bigfala isiu long staka kandere, an fo katem daon hangere hem wanfala hae praeoriti. Figa 25 hemi eksplenem nao hao iumi save katem daon hangere.

4.5 Helt

FIGA 26 : Helt hemi impoten⁴²



Non-komiunikabol disis (NCD) hemi wanfala disis wea no save infektem o spred go from wanfala man go long narafala man. Hemi dipen nao long jinetik, laefstael an envaeroment wea save kosem olketa disis ia. Olketa NCD nao hemi:

- Olketa disis blong hat
- Kansa
- Suga
- Hae blad presa
- Fat karange, etc.

SDG 3 hem makem nao gudfala helt an hapi laef. Meksua laef hemi helti an promoutem hapi laef blong evri pikinini, mere an man hem impoten long sastenabol development.

4.6 Grin Ikonomi Gaedlaen

Olketa proposem fo nomineitem olketa grin ambasada wea tren finis fo tekem risponsibiliti long manejmen envaeroment. Olketa Grin Ambasada mas garem save fo karemaot waka an ikolojikol valiu fo provaedem gaedens long komiuniti an fo meksua hemi sastenabol.

FIGA 27: Grin Ambasada⁴³



Grin Ambasada mas fulfilim olketa samting ia:

- Stat fo introdusim olketa tingting bihaen grin ikonomi long komiuniti. Diswan bae hemi duim tru long edukeison an pablisiti kampein.
- Bae hem 'watch dog' fo olketa grin inisitiv. Diswan hemi duim tru long olketa visit wea bae hemi monitarem nao olketa inisitiv ia.
- Helpem eni grin praktis tru long demonstreison. (Eksampol: separeitem weist, piurifaem wata).
- Tekem kam eni isiu/saksas long komiuniti lida. (Saksas stori, helt isiu, taem pipol les fo koparet, an kaen olsem).
- Olketa Komiuniti Lida mas enkarejem 'Grin Ambasada' (preisem waka blong hem, mekem hem impoten fo eni komiuniti disison, fandem eni trening seleni).

FIGA 28: Waka wea Fitim man duim an Ikonmik Grout⁴⁴



Sastenabol development hemi makem nao fo katem daon povati, alaom sosol inkluson (evri pikinini, mere an man), impruvum welfea o laef blong evriwan, an krieitem an promoutem opotiuniti fo waka wea hem fitim man fo duim an hemi grin. Diswan bae kosem ikonomi fo grou wea bae mekem man an mere fo save tekem gudfala kea long famili blong olketa. Bigfala tingting bihaen long Grin/blu ikonomi bae save impruvum nao ikonomik profit an semtaem hemi mentenim wan helti ekosistem wea hemi waka gud.

42 Sos: United Nations, Department of Economic and Social Affairs, Sustainable Development, <https://sdgs.un.org/goals/goal3>

43 EVAPO-COOL portable climate solutions, <https://www.evapo-cool.com/fag>

44 The Global Goals for Sustainable Development, <https://www.globalgoals.org/8-decent-work-and-economic-growth>

Raetem samfala not:

AKTIVITI 4

Target: Lokol gavman ofisol, Provinsol ofisol, Distrik Kaonsol, Taon Kaonsol, Aelan Kaonsol, an samfala moa.

1. Hao nao iu karemaot mov go fo blu/grin ikonomi tru long olketa gavman inisiatif?

2. Wat kaen mesa nao iu kamap wetem fo katem daon risk blong non-komiunikabol disis?

3. Hao nao bae iu aedentifaem olketa grin ambasada?

4. Hao nao bae iu mek sua dat waka wea hem fitim man fo duim bae lid go fo komiuniti iekonomik grout?

Taget: Go fo evri nara grup

1. Diskasem hao nao bae iu muv go fo grin/blu iekonomi insaed long komiuniti?

2. Wat nao mining blong Non-Komiunikabol Disis?

3. Raetem daon trifala Non-Komiunikabol Disis.

4. Wat nao wanfala Komiuniti Strakja?

5. Hu nao wanfala Grin Ambasada?

6. Wat nao waka blong wanfala Grin Ambasada?

7. Wat nao samfala gudfala wei blong olketa mere insaed long komiuniti taem olketa praktisim Grin Ikonomi Prinsipol?

8. Hao nao Waka wea fitim fo man duim hem lid go long Ikonomik Grout?

5

Natsoral Risos an
Komiuniti Risos
Manejment

5.1 Kipim gud olketa Natsoral risos

Olketa baeolojikol risos olketa provaedem faondeison blong laef long wol. Wetem diskaen, Solomon Aelan ikonomi hemi stanap nao long ius blong natsoral risos an olketa gudfala saed an sevis wea olketa natsoral, helti ikosistem provaedem, hemi minim nao dat hemi garem strong nid fo konseveison, priseveison o kipim gud, an manejem evri risos ia.

FIGA 29: Natsoral Risos⁴⁵



5.2 Wata

Sos blong wata hemi spring, riva, andagraon wata, an kaen olsem. Wata konseveison an manejment hemi makem nao hao fo manejem wata o fo iusim long sastenabol wei, diswan fo mitim nid blong tude an futsa.

Olketa memba blong komiuniti save mitim nid blong wata taem olketa tek gud kea long olketa wata sos olsem riva, spring an no mekdoti long hem.

Wanfala fest stadi long Solomon Aelan hem som dat 46% blong olketa skul long rurol eria olketa no garem eni wata, 65% no garem gud tolet an 66% no garem ples fo wasim han. An den, olketa rurol eria garem 65% akses go long wata saplae. Fo adrese olketa isiu ia, Solomon Aelan Gavmen hemi trae fo ri-divelopem WASH (Wata, Sanitesen an Haejin) sistem long kandere.⁴⁶ Diswan wan hemi folom taget blong SDG 6 (Klin wata an Saniteison) fo meksua pipol garem akses long wata wea hemi seif an Saniteison sevis.

FIGA 30: Iusim wata⁴⁷



5.3 Bus

Olketa bus nao provaeda fo olketa nid blong iumi evri de bikos olketa saplaem kaekae, tradisinol meresin, wud fo biuldim haos an fiul, timba fo salem an ekspotem, an staka moa. Olketa bus save givim tu olketa sevis long ikoloji (hao animol an plant save stap insaed long bus).

Samfala isi wei for kipim gud olketa bus hem:

- aforesteison, plantem moa tri osem afta wanfala tri hem katdaon, plantem tufala moa.
- iusim olketa Tradisinol praktis, olsem miks faming.
- iusim komiuniti fo searem nolej o save an skil fo protektem olketa bus.

FIGA 31: Kastom lan ona hemi safa long impakt blong logging long envaeroment an sosol laef⁴⁸



45 You Tube vidio: "Natural Resources", 23 September 2020, https://www.youtube.com/watch?v=q9XzTl_Krl0

46 Infomesen hem jeinj lelebet bat kamaot long Live and Learn Environmental Education, "Improving WASH in Solomon Islands", <https://livelearn.org/projects/improving-wash-solo-mon-islands>

47 Foto kam long: Rolland Gito/World Vision Solomon Islands, <https://www.wvi.org/sites/default/files/Wash-FactSheet-APRIL16-lowres.pdf>

48 Foto kam long: Catherine Wilson adapted from Global Issues.org, "Corruption Threat to Pacific Island Forests", <https://www.globalissues.org/news/2016/03/21/21936>

5.4 Soel o graon

Fo kipim gud valiu blong soel hemi mein samting long soel konseveison. Taem komiuniti hemi plantem wanfala krop (raes, wit) fo longfala taem, bae soel lusim fertiliti blong hem, o gudfala niutrien hemi lus. Olketa krop mas cheinj afta sam taem, an olketa komiuniti memba mas meksua dat hemi mas garem moa long wanfala kaen krop nao grou long semtaem an ples.

lusim oganik fatalesa wea iu iet iu miksim, kontrolem kemikal fo kontrolem insekt an wid, an drip irigeison; olketa ia nao hemi olketa nid fo distaem taem iumi laekem sastenabiliti fo soel.

5.5 Animol

Solomon Aelan hemi garem staka difren kaen animol spisis, wea olketa stap long solwata, freswata, an long graon tu, staka long olketa no bin rekodem gud infomeison blong olketa iet. Diswan hemi bikos risets hemi intarest moa long ikononimik impotens. Nomata, olketa animol ia stat long olketa pisin, mamol, reptael, amfibian, freswata an olketa vetabret an invetabret blong graon. Eni wael animol hemi olketa animol spisis wea olketa no fidim long haos an hemi minim tu evri oganisim wea grou an stap wael long wanfala eria.⁴⁹ Olketa domestik animol hemi olketa animol wea jenetik blong olketa cheinj nao fo stap kolsap olketa man.⁵⁰ Diswan hemi minim dogi, pusi, bulmakau, sipsip, pikpik, an samfala moa.

FIGA 32⁵¹ an FIGA 33⁵² : Waelaef Spisis an protekson blong hem



49 Infomesen hemi jeinj lelebet bat kamaot long Fiji Biodiversity Strategy and Action Plan, Government of Fiji, <https://www.cbd.int/doc/world/fj/fj-nbsap-01-en.pdf>

50 National Geographic, "Domesticated animals explained", <https://www.nationalgeographic.com/animals/article/domesticated-animals#-:text=>

51 Foto kam long: DJuna Ivereigh, hemi jeinj lelebet long Sport Diver, "Solomon Islands Hawksbill Sea Turtle Population Bounces Back", <https://www.sportdiver.com/hawksbill-sea-turtle-conservation-solomon-islands-success>

52 Sos: IUCN, "Solomon Islands Species Forum held in Honiara", <https://www.iucn.org/news/oceania/201710/solomon-islands-species-forum-held-honiara>

5.6 Risos manejment insaed long Komiuniti

Risos manejent insaed long Komiuniti hemi minim nomoa taem komiuniti hemi waka tugeda fo protektem an manejem graon, solwata, o freswata risos blong hem.

Fo mekem disison long komiuniti hem sud enkarejem evriwan (ikol) nao fo tek pat, espeseli olketa mere, yang pipol, oloman an mere an pipol wea stap wetem disabiliti fo save toktok tuwod eni disison.

Olketa komiuniti lida pleim wanfala impoten waka fo tekemaot olketa nogud wei insaed long komiuniti, edukeitem pipol wetem gudfala wei an monitarem olketa aktiviti blong komiuniti. Hem nao hem midolman bitwin komiuniti an gavmen. Hem nao man wea bae akaontabol fo eni komiuniti divelopment.

FIGA 34: Wanfala komiuniti miting fo diskasem risos manejment, Malu'u, Solomon Aelan⁵³



Raetem samfala not:

⁵³ Foto kam long: Filip Milovac, WorldFish, Infomesen hem senis lelebet bat kamaot long Flickr.com, <https://www.flickr.com/photos/theworldfishcenter/19159155690>

AKTIVITI 5

Taget: Fo evri grup

1. Wat nao olketa taep blong natsoral risos?

2. Wat nao samfala sos blong wata long komiuniti?

3. Raetem daon trifala welt o samting garem valiu insaed long bus



6

Konkluson

FIGA 35: Wei fo Grin Ikonomi⁵⁴

Olketa mein lening aotkam insaed disfala chapta nao hemi:

- Andastanem olketa Grin Ikonomi Prinsipol
- Givim Praeoriti long olketa Grin Inisitiv opson (riniuabol eneji, klin wata)
- Meksua fo karemaot an monitarem olketa grin ikonomi praktis.
- Patisipeison blong Komuniti – meksua evri pikinini, mere an man insaed long komuniti tekpat fo lane.

DRAMA 1

Olketa memba blong komuniti fo aktemaot disfala drama. Fo diswan, olketa patisipen save volontia, o trena bae jiusim patisipen fo aktemaot difren rol. Fo disfala drama, hem nidim 6 patisipen fo pleim Humfrey, Maria, Douglas, Katherine an Richard, an Mac.

Humfrey an Maria stap wetem san blong tufala Douglas an waef blong hem Katherine. Humfrey hem 60 yia an Maria hem 55 yia. Douglas hem 40 yia an Katherine hem 38 yia. Douglas an Katherine garem wanfala 4-yia ol san nem blong hem Richard.

Olketa evriwan stei long haos blong olketa long wanfala tropikol aelan vilij. Haos ia garem inaf spes fo gaden an samfala open spes moa.

Wan dei Humfrey herem wanfala Pablik Anaonsment kam long olketa lokol atoriti fo plantem olketa tri sapling (yang plant) bifo long sison blong ren. Anaonsment ia talem tu dat taem man plantem tri sapling bae hemi mekem vilij komuniti kam grin an bae hemi givim staka seid an mekem klaemet hemi kol.

Taem hem herem anaonsment ia, Humfrey filim hem mas folom wat nao olketa talem. Haos blong hem garem wanfala supsup gaden an samfala flaoa plant. Hem garem inaf spes long frant fo plantem wanfala tri sapling. Humfrey luksave dat sapling ia bae grou an kamap wanfala seidi tri.

Humfrey hemi go long wanfala neseri kolsap haos blong hem, wea hemi garem staka difren kaen plant, an ona blong neseri hemi Mac.

Mac: Gut Ivning. Nem blong mi Mac mi onam disfala neseri, wat nao mi save duim fo iu?

Humfrey: Gud Ivning. Mi Humfrey, mi faendem na samfala plant.

Mac: Mi garem samfala flaoa plant, vejtabol plant an samfala plant fo dekoreitem ples.

Humfrey: Iu herem komuniti anaonsment wea olketa askem pipol fo plantem tri long disfala ren sison?

Mac: Dat wan gut wan ia ba? Olketa tri taem olketa grou olketa save givim gutfala seid.

Humfrey: Yes Mac. Plis helpem mi for jiusim wanfala gut tri sapling wea bae hemi stret folom anaonsment ia.

Mac: Ya, iu save tekem wanfala neem sapling. Bae sapling ia hemi grou an kamap big tri long 10 yia olsem an bae hemi save last fo staka moa yia.

Humfrey: Gut wan nao ia. Bae mi tekem wanfala neem sapling. Eni nara samting moa mi mas baem?

Mac: Long fest tu yia, bae iu nidim fatalesa. Mi save stakem oganik kompost fatalesa wea hemi no garem kemikol. Mi garem samfala long stok bae mi givim iu. Humfrey, bifo hemi grou kasem 6 fit, iu nid fo protektem from olketa animol.

Humfre : O! Hao nao bae mi duim?

Mac: O! Dat wan simpol nomoa ia, bae mi givim iu wanfala tri gad. Iu kavam sapling wetem an taem hem kasem 6 fit, iu tekaotim tri gad ia.

Humfrey: Nambawan! Givim nao sapling, oganik fatalesa an tri gad ba.

54 Sos: GEESKA AFRICA ONLINE, May 16, 2021, <https://www.geeskaafrika.com/ethiopia-launched-its-2025-climate-resilient-green-economy/>

Mac: Distaem, bae mi givim iu wanfala baeg fatalesa. Iu save baem samfala moa taem iu nidim. Diswan bae iu save iusim fo trifala o fofala manis. Mi keaful tu fo iusim pepa baeg fo pakim fatalesa insaed olsem iumi no iusim plastik baeg.

Humfrey: Tagio Mac. Nambawan! Bae mi jekem iu moa.

Humfrey go baek long hom wetem neem sapling, tri gad an fatalesa pepa baeg. Hem rest long naet. Hem tingim nao fo wekap eli bifo hot san kamap fo hem plantem sapling.

Neks dei, hem wekap eli. Hem stat fo digim wanfala hol fo plantem sapling long hem.

Stap go, Maria kam fo faendem Humfrey .

Maria: Hei! Wat nao iu duim?

Humfrey: Mi long gaden. Plantem wanfala tri.

Maria: Wat kaen tri?

Humfrey: Iu no herem anaonsment yestade? Mi go long neseri yestade an baem wanfala neem sapling.

Maria: Wae nao iu nidim wanfala tri?

Humfrey : Taem bae hemi grou bae hem givim nao seid. An neem lifi an bak hemi olsem wanfala meresin tu.

Tufala stap den Douglas an Katherine araev kam.

Douglas: Gut Moning Dadi. Wat nao iu duim?

Humfrey: Gut Moning san blong mi. Mi plantem wanfala tri sapling ba.

Maria: Dadi blong iu go long neseri yestade an baem wanfala sapling.

I no long taem, Hampton hem finis digim hol an hem watarem.

Humfrey: Hei Douglas plis tekem kam pepa baeg ledaon lo dea ia.

Douglas: Ya dadi. Wat na' ia?

Humfrey: Diswan hem oganik fatalesa olketa pakim long pepa baeg. Man waka long neseri, Mac, hem talem mi hem no laekem iusim plastik baeg.

Taem hem talem olsem, hem adim fatalesa, plantem nao disfala sapling, watarem den putim tri gad raonim. Smol grani blong Humfery , Richard ran raon hapi tumas fo lukim sapling ia. Humfery eksplenim long Richard nao nid fo wajem an wae nao hem nidim tri gad.

Richard: Granpa. Wat taem nao bae tri ia grou big? Bae mi klaemapum an plei lo hem.

Humfery: Bae long 10 yias taem. Bae yu araon 14 yias nao ia – bigi boe na!

Maria: O 10 yias. Taem ia bae iumitufala go finis nao.

Humfery: Mi no plantem tri ia fo iu an mi. Diswan fo Douglas, Katherine an Richard ia. Diswan hemi fo ful komiuniti tu. Taem hemi grou big, bae hemi seidi fo Richard plei long hem. Bae hem enjoem olketa pijin krae long hem.

Douglas: Hem here gut. Mi promes bae mi tek gud kea long hem.

Olketa yia go pas finis nao. Humfery an Maria pas awei. Neem tri hem grou big an givim seid na.

Douglas: Hei Richard. Wat na iu duim?

Richard: Mi bigi boe na. Mi klaemapum tri. Rimemba grandadi talem iumi taem hemi grou bae hemi givim gudfala seid an distaem mi save herem naesfala krae blong olketa pijin.

Douglas: Ya, boe blong mi. Mi agri wetem wanem dadi blong iu bin talem. Disfala tri bae hem stanap fo staka moa yia an plande long iumi bae lake long hem. Rimemba dat dis wan hem sastenabiliti an bae hem mekem planet blong iumi kam moa grin.

Richard: Mi andastanem wat iu talem. Dadi, iu save tekem mi go long neseri fo mi chiusim wanfala stret sapling, bae mi plantem an tek gut kea long hem.

Douglas: Ya, san blong mi. lumi go!

DRAMA 2

Long disfala drama, iumi nidim samfala volontia long olketa lena fo pleim Stella, Mary, Thomas an chif.

Olketa mere hipap long vilij hol fo pripearem kaekae bikos wanfala Gavman ofisol bae hem kam visit. Disfala stori nao tek ples melewan samfala mere ia.

Stella: Mi stap long maket long Satade an olketa mere long wanfala vilij tok abaotem nao rol blong olketa olsem Grin Ambasada fo vilij blong olketa.

Mary: Turu ia Stella, Grin Ambasada – mi neva herem abaot diswan bifo – wat nao Grin Ambasada duim?

Stella: Long wanem olketa sei, trifala long olketa nao Grin Ambasada an olketa risivim trening fo olketa save help trenem olketa memba long komiuniti fo promoutem olketa prinsipol blong Grin Ikonomi.

Mary: Datwan interesting tumas ia, wat nao olketa mein tingting bihaen o prinsipol long Grin Ikonomi?

Stella: Iumi traem askem Tomas – Mi ting hem bin go long trening blong Grin Ikonomi tu wea olketa holem long taon last manis. Bae mi askem hem fo kam an eksplenim long iumi, taem iumi evriwan hia tugeda.

Tomas: Halo olketa mere – hemi garew staka samting fo kamap wetem wanfala grin ikonomi bat lelebet samting nao mi save talem iufala wea olketa mere tek pat long hem evri de:

Mekem sua dat komiuniti hem iusim klin wata fo dringi an kuki

Weist Manejment – mekem sua weist iufala torowe gud long hem

Haijin – Traem fo kip klin olowe, mekem sua evriwea araon long haos hem klin an dat hem no ples fo moskito i save grou long hem.

Olketa vilij lida bin askem mi fo faendem samfala mere wea fit fo bikam Grin Ambasada fo disfala vilij – eniwan long iufala intarest?

Stella: Ya, Mary an mi jas tok abaotem nomoa – mitufala interest ba.

Tomas: Okei, hem gut – bae mi advaesem olketa lida. Mi bin stori long olketa dat iufala olketa mere save bikam gut grin ambassador bikos iufala nao save hao fo praktisim long hom an vilij blong iufala.

Mary: Ya, hem tru an mifala save apdeitem tu olketa vilij lida long olketa vilij miting. Bae iu save meksua dat iufala askem mifala fo atendem miting fo provaedem wanfala apdeit?

Tomas: Bae mi duim an bae mi askem vilij jif o tingabaot diswan bikos iufala nao stret wan fo mek sua iumi kipim olketa prinsipol blong Grin Ikonomi.

(Tomas go lukim nao chif)

Chief: Ya Tomas, wat nao mi save duim fo iu?

Tomas: Jif, mi jas stori wetem olketa mere an iumi garew tufala wea interest long Grin Ambasada long vilij blong iumi. Olketa nao stret wan for mek sua iumi kipim olketa prinsipol blong Grin Ikonomi. Mi herem dat olketa mere long Warala vilij kolsap iumi mekem bigfala jeinj long vilij an olketa minim go nao waka blong olketa olsem Grin Ambasada.

Chief: Okei Tomas – Mi hapi fo duim wat iu talem kam ba – bae iumi tekemap long miting long vilij neks wik an invaetem tu olketa mere olsem Mary an Stella fo kam searem tingting abaot hao olketa Grin Ambasada.

Tomas: Bae mi duim Jif, an hemi wanfala gut opotiuniti fo inkludim olketa mere long evri vilij miting stat distaem nao an fo luksave tu long bigfala rol olketa pleim insaed long komiuniti.



Follow our activities on
Facebook and Twitter



www.gggi.org